


Theologi.

Teol. 3119

Rytkovius. Joani Aug. Disputatio theolo-
gica de evidentia mysteriorum sanctae
et individualis Trinitatis.



D. O. M. A.
DISPVATIO
THEOLOGICA.

De Evidentia Mysterij
SANCTISSIMÆ & INDIVIDVÆ
TRINITATIS.

*M. IOANNE AVGVSTINO RYBKOWICIO, in Alma Academia,
Crac. S. T. Profess. Canon. S. Annæ. pro Cursu publicè suscepta.*

Præsides ac Protectores

*Admodum R. & Clarissimo Viro D. MARTINO
CAMPIO VADOVIO S. T. D. & Professore, Præposito Sancti
Floriani & c. Præceptore Colendijs.*

In Magno Aulæ Iagellonianæ DD. Theolo-
gorum Lectorio Mensis Die

Superiorum Permissu.

CRACOVIAE
Typis Francisci Cefarij, Anno Virginei Partus
M. DC. XXII.

BIBLIOTHECA UNIV.



JAGELLONICA

IN ARMA
Illustrissimi & Reuerendissimi Præsulis.



39315
 Il.


Flmineum quod Cynthia bina coruscat ad ensen
 Cælesti & radio, cingit vtrumque latus
 Præsulei officij splendor Tuaque inclyte Princeps
 Collucet virtus inq; polo inq; solo.

ILLVSTRISSIMO AC REVERENDISSIMO
IN CHRISTO PATRI, DOMINO,
D. MARTINO
SZYSZKOWSKI,

Dei & Apostolicæ Sedis Gratia,
EPISCOPO CRACOVIENSI,

Duci Seueriensi, Academiae Cancellario Digniss:
Domino, Patrono, Mecœnatiq; Suo
Benignissimo

Salutem & Fælicitatem P.

 Heologicam Arenam, pro complendo laborum in Theologia meorum curriculo, nunc ecce iterum ingressurus: & de Euidencia Mysterij Diuinissimi TRINITATIS ÆTERNÆ disputaturus; Te Meum Illustriss: & Reuerendiss: Antistes, Censorem & Patronum appello. Magna in parte beneficiorum diuinitus acceptorum Nos Academici libenter sanè reponimus; quod Te Cancellarium nacti simus eiusmodi, qui inter alias, Vero Episcopo ac Sena-

tore dignissimas cogitationes, illam quoq; de SS.
Theologia hic apud nos ornanda, & propaganda
susceperit: ut quod magno Aere, atq; Tempore,
apud externos emimus, domi absq; ullo Fortuna-
rum & Aetatis damno parare possimus. Et habet
quidem ex Dei Gratia Nostra haec, imo etiam
Tua, quia Jagellonia, proindeq; totius Sarmatie
Catholicissima Schola Academiae Cracouiensis,
multa ingenia non infelici sydere nata, cum ad a-
lias litterarum disciplinas, tum verò ad hanc Fa-
cultatum omnium principem; SS. dico Theologiã
non solum ex Fide, Ordine, & Fructu priuato di-
scendam: sed cum dignitate quoque profitendam,
ad communem Ecclesie, ac Reipub. profectum.
Cuius maiora in dies extarent argumenta: si Te
Censore Aequissimo, ac Patrono Benignissimo,
contentionibus hisce nostris litteratis; in quibus
multi ante etatem, vires & vitam consumimus:
Ille ipse qui alit artes, Honor & Amor in publico
non deesset. Enim verò spem huiuscerei non du-
biam ab Illustrib. Cels. V. paucis ante lapsis die-
bus accepimus; quando grauissimam, pro Digni-
tate Ecclesiastica, Collegiorum nostrorum in or-
dine

dine Hierarchico retinendo sententiam ex Ora-
culo ceu datam audiuius. Quae certè mirum in
modum animos nostros erexit, & de Tua singu-
lari, imo paterna in nos Humanitate, ac Beneuo-
lencia Beneficentiae coniuncta, in dies maiora spe-
rare iussit. Officij tantum nostri fuerit: dum A-
cademicam hanc Stationem, à D. Jagellone illo
Rege, Parente nostro Maximo, nostrae Fidei con-
creditam, eo quo debemus Virtutis auite Candore,
Litterarū Studio, & Ingenij Gloria tuebimur: id
quod haëtenus adiutore Deo, libenter fecimus:
Amorem Tuum honoribus in magnis habendum,
omni officiorum & obseruantiae genere promereri,
idq; etiam apud posteros testari: quantus apud
nos, Auctōritate Muneris, Boni publici cura,
Amore omnium Cancellarius esses. Ego verò
Academicorū minimus, ante Insulas etiam Cra-
couienses Illust. Cels. V. cliens, dum communibus
omnium nostrum votis, de Tua Praesul Illustriss:
ac Reuerendiss: felici incolumitate susceptis, ap-
plausum non illum Theatralem, sed Sacerdotale,
ineunte hoc utinam feliciore Anno letus facio:
cum hac velitatione mea Theologica, nunc iterato

ad Maiorem DEIVNIVS ET TRINI Glo-
riam suscepta, Magno animo, quem priuatim
illa Tua plusquam Paterna in Me propensio mihi
toties addere solet, ad Te meum Cancellarium ET
Mecanatem venios: ut ET studij mei Theologici
sub Academiæ Doctoribus, pro fide, ac diligentia,
suscepti ratio, Cancellario meo sapientissimo con-
stet: ET Animi quoque obseruantiam æternum
vsq; sibi deuotam, Mecenas optimus vel sic testa-
tam habeat, dum etiam inter disputandum de
Re Diuina omnium altissima Perillustres illas
MAGNI SISCOVII Lunas, ex quibus mihi
Lumen: ET Cruce signatum Gladium, unde
mihi Robur: submissem imploro, ET denuo rursus
appello. Crac. è Collegio Nostro Maiore. Anno
Partæ Salutis 1622. Calend. Januarii. D. N.
Saluatori IESV Christo, Deo vero, Hominiq;
vero sacris.

Illustrissima ac Reuerendissima Cels. Vestræ

Cliens humilimus

M. Ioannes Augustinus Rybkovic,
Cracouien: S. T. Professor.

QVÆSTIO
THEOLOGICA.

V. Myſterium diuiniffimum,
æternæ illius Trinitatis, quæ Deus
vnus & verus eſt, exiſtens in tri-
bus perſonis Diuinis, proprietate
ſola Relatiua, inter ſe realiter di-
ſtinctis, ita penitus reuelabili ſua
Subſtantiâ, cognitionem omnem
Rationis Naturalis transcendat:
vt in nullo Intellectu Creato, E-
uidentiam ſuæ Certitudini con-
ſentaneam, ſiue ab Intrinſeco,
ſiue ab Extrinſeco habere poſſit
nec ne?

CONCLUSIO I.

Diuinissimum Trinitatis æternæ Mysterium, altissimam illam de Deo vno, & Trino Theologiam continens: omne id, quod ad Rationem Deitatis Absolutam, & Relatiuam, aliquatenus pertinet, certissima cognitione in se complectitur.

Corollaria.

1. *Attributa omnia absoluta, Tribus in Deo Personis ex æquo communia, & inter se, & ab Essentia Diuina, solum Ratione ratiocinata distinguuntur.*
2. *Processiones Diuine due tantum: per Intellectum vna, per Voluntatem altera, realiter inter se distinctæ, fundant Relationes Diuinas ad Intra.*
3. *Relationes porro ille quatuor duntaxat in Deo reales, aliquæ inter se realiter; ab Essentia, verò Diuina virtute saltem eminenterq; distinctæ, nec intrinsecam illius rationem ingredientes, ut Relationes sunt, nullam in Deo perfectionem dicunt*

cunt, nihilominus ex vi oppositionis Relatiue Personas Diuinas constituunt, & distinguunt.

4. Tres tantum in Deo esse Personas, que sunt Pater & Filius & Spiritus Sanctus, unus verusq; Deus. Relationes Originis probant: dum Trinitatem Personarum Ineffabilem in Unitate Diuina constituunt & multiplicant.

5. Personæ Diuine Proprietatibus Relatiuis constitutæ ac inter se distinctæ, prout vnā & indiuisam numero Substantiā, ita vnā quoq; absolutam Existentiā, & nullas relatiuas habent: licet ibi sint tres Subsistentiæ Relatiue qui tres modi sunt Existentiæ absolute.

6. Proindeq; illæ Relationes, non sub Ratione Absoluta, sed Relatiua, Personā quamque Diuinam in Esse Hypostatico constituunt: vt Doctiss. Bartholomæus Torrez, Episcopus Canariensis ingens illud Theologiæ Familiæq; sue Lumen & Columnen, cum subtilissimo Thomisantium Cardin. Gaetano præclare docet.

7. Personæ Diuine sic constitutæ, ac inter se distinctæ dum in illa vnā & eadem Essentia equaliter

B

ter

ter subsistunt: citra omnem purissimæ & actualis-
simæ Simplicitatis Diuinæ iacturam, virtualiter
& nostro intelligendi modo, ex Essentia & Rela-
tionibus constitui atque componi dicuntur.

Conclusio II.

Diuinissimum æternæ Trinitatis Myste-
rium, diuinitus nobis reuelatum, ac cælo
demissum, illa sua Substantiâ Reuelabili
tantum; omnem Rationis cuiuscunq; Na-
turalis cognitionem transcendit.

Corollaria.

1. *Attributa omnia in Diuinis absoluta, non-
nisi ad cognoscendam in Trinitate Vera simplicis-
simam Deitatis Vnitatem ex vi Rationis Natu-
ralis omnino conferunt.*

2. *Processionum verò & Relationum Diuina-
rum Veritas, Notio, Numerus, Discrimen, A-
ctus notionales citra Reuelationē Diuinam nulla
Ratione Naturali concluduntur.*

3. *Sed de his omnibus Intellectus noster Fidei ex
Reue.*

Renelatione Diuina lumine collustratus, ex propositionibus partim creditis, partim scitis, persuadendo, non demonstrando veritatem colligit, illamq̃ contra Infideles directè probat.

4. Et vero sicut nulla Ratio Naturalis ostendere potest hoc Mysterium esse Impossibile: sic nulla quoque probare valet illud non esse Impossibile, nisi sint soluenda Infidelium argumenta.

5. Nihilominus hoc Mysterium, non esse contra Naturam seu Veritatem aliquam Naturalem, sed supra omnes Veritates naturaliter cognitatas, & cognoscibiles: rationibus naturalibus ex congruo demonstratur.

6. Quod si Gentilium aliqui Philosophi, ceu per somnium de altissimi huius Mysterij arcana veritate, quedam balbutiunt, id eos vel ex Diuinis Prophetarum oraculis didicisse, vel ex Christianis audiuisse, vel ex ipsius Dei veritatē hanc ita confirmantis Afflatu, per modum transeuntis Gentilibus illapso, propter nos hausisse: Magnorum Patrum stat sententia.

7. Non solū autem Intellectus Christiani Via-

toris, sed Gentilis etiam modo non deprauati, potest naturaliter de Deo ut Unus in Essentia formare Conceptus Quidditativos inadequatos tamen & imperfectos, quia talia omnia sunt à Posteriori.

Conclusio III.

Diuinissimum æternæ Trinitatis Mysterium á parte Rei non tantum possibile, sed etiam necessarium, in nullo Intellectu creato Evidentiam suæ cognitionis habere potest, ab Intrinseco, sed solum ab Extrinseco.

Corollaria.

1. Intellectus creatus Fide huius adorandi Mysterij præditus non potest simul & semel eiusdem Evidentiâ habere: nec per virtutem aliquam connatam, sibi ab intrinseco inherentem, ad clariorem Fide cognitionem illius assurgere.

2. Nulla Species Intelligibilis creata dari potest, per quam Intellectui creato possit representari Deus sicuti est quidditativè in se Trinus & Unus.

3. Sed

3. Sed illa solùm Species conceditur, per quam
Homo euidenter iudicet Deum esse qui loquitur,
& reuelat hoc Mysterium tanquam verissimum,
& hac Euidencia est in attestante, aliàs Extrinse-
ca, seu ex Auctoritate dicentis, que an possit stare
cum Fide? Problema esto.

4. Citra Visionem Beatificam & Euidenciam
in attestante à nullo Creato Intellectu SS. Trini-
tatis Mysterium euidenter cognosci potest.

5. Visio Beatifica concursu Dei seipsum reue-
lantis & lumen Glorie desuper infundentis Eui-
dentem huius Mysterij notitiam inadequatam,
tamen parit in quocunque Intellectu creato Beati
cuiusvis Angeli, vel Hominis: Secundum magis &
minus: pro modulo Charitatis, Gratie, Meritorum,
& Luminis Glorie secundum iustissimam & sua-
uissimam dispositionem Dei Vnius & Trini seipsum
non equaliter; & liberè reuelantis.

6. Intellectus perspicacissimus Christi Domini
ut Hominis, per scientiam Inditam; Mysterij
huius altissimi Euidenciam in attestante peculia-
rem habet seclusa Fide; multo verò magis per Sciē-

tiam Beatam, qua omnem Intellectum creatum
longè lateq̃ superat: ab Intellectu tamen Diuino
superatur.

7. Superadoranda Trinitas que Unus idemq̃
Trinus verus Deus est; adeo sibi soli perfectè, di-
stinctè & clarè nota est, ut præstantia sue cog-
nitionis, omnem Intellectum creatum in infinitum,
excellat: Seipsam verò infinitam undiq̃, exactis-
sima, clarissimaq̃ cognitione, absolutè infinità sim-
pliciter infinitè non exhauriendo, sed contemplan-
do simul & amando, diuinissimè apprehendat atq̃
comprehendat.

D. Augustinus lib. 6. de Trinitate.

Qui hoc, id est, Trinitatis Mysterium, vel ex parte, vel per spe-
culum & in enigmate videt: gaudeat cognoscens Deum,
& gratias agat: qui verò non videt, tendat, per pietatem
ad videndum, non per cecitatem ad calumniandum, quo-
niam Unus est Deus, sed tamen Trinitas.

Gloria Tibi Trinitas æqualis vna DEI-
TAS nunc, in æternum, & vltra.

Epigramma Diuinum

DE

LAVDE Dn. N. JESV CHRISTI,

Seruatoris eternum cum DEO Patre &

Spiritu S. viuentis atq; regnantis.

PRoles vera Dei, cunctisq; antiquior annis,
Nunc genitus qui semper eras, lucisq; repertor
Ante tuæ matrisq; parens, quem misit ab astris
Acquæuus genitor, verbiq; in semina fufum
Virgineos habitare sinus, & corporis arti
Iussit inire vias, paruaq; in sede morari,
Quem sedes non vlla capit, qui lumine primo
Vidisti quicquid mundo nascente crearas,
Ipse opifex, opus ipse sui, dignatus iniquas
Aetatis sentire vices, & corporis huius
Dissimiles perferre modos, hominemq; subire.
Vt possis monstrare Deum, nè lubricus error,
Et decæpta diu varii solertia mundi,
Pectora tam multis sineret mortalia seclis
Auctorem nescire suum, te conscia partus
Mater & attoniti pecudum sensere timores.
Te noua sollicito lustrantes sydera visu
In cælo videre prius, lumenq; secuti
Inuenere Magi, tu noxia pectora soluis,
Elapsasq; animas in corpora fûcta reducis,
Et vitam remeare iubes. Tu lege recepti
Muneris, ad Manes penetras, mortisq; latebras
Immortalis adis. Nasci tibi nam fuit vni
Principium, finisq; mori, sed nocte refusa.

In cœlum, Patremque redis, rursusque perenni
Ordine, purgatis adimis contagia terris
Tu solus, Patrisq; comes, tu Spiritus insons,
Et toties Vnus, Tripliciq; in Nomine Simplex.
Quid nisi pro cunctis aliud? quis credere possit
Te potuisse mori, poteras qui reddere vitam.

*Sanctissimus ac Sapientissimus Damasus
Pontifex Romanus F.*

Disputans in Cursu Theologico.

*M. Joannes Aug. Rybkowicius, Theologis Di-
sputatoribus, Auditoribusq; suis & media illi An-
tiquitate Sacra Erutum. Instar Xenij
libenter Presentavit*

**Ad Maiorem DEI Opt. Max. Gloriam
Amen.**



i
s
Di-
An-
ij

am

